



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

XXV. Revocatio exemptionum à vestigalibus, & aliis publicis oneribus.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

re Generali omnia, & singula bona Prioratus, & Ecclesie S. Solliciti Terrae Nostrae Matelicae Camerinen. Diocesis primo dictis Conventui, & Prioratui etiam Apostolica auctoritate perpetuo unitorum dilectis filiis Succurso, & Antonio Fratribus de Camerellis e dicta terra in emphyteusim ad eorum tertiam generationem masculinam, & femininam sub annua responsione scutorum quadraginta monetae Romanae, ac cum onere celebrari faciendi in dicta Ecclesia S. Solliciti tres Missas hebdomadarum, aliisque tunc expressis pactis, & conditionibus concessa fuerint, subsecuta etiam concessionis huiusmodi ratificatione, & alias prout in diversis publicis superinde confectis Instrumentis plenius dicitur contineri, firmiora vero sint ea, quae Sedis Apostolicae munimine roborantur.

§. 1. Hinc est, quod nos inviolabili praemissorum observationi quantum cum Domino possumus consultum esse cupientes, ipsosque Succursum, & Antonium specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a iure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum harum serie absolventes, & absolutos fore censentes, Motu proprio non ad ipsorum Succursi, & Antonii, aut alterius eorum desuper nobis oblatae petitionis instantiam, sed ex certa scientia nostra concessionem bonorum huiusmodi Prioratus, & Ecclesiae Sancti Solliciti dictis Succurso, & Antonio in emphyteusim ad eorum tertiam generationem, ut praefertur, factam ac prout illam concernunt confecta desuper Instrumenta praedicta, cum omnibus, & singulis in eis contentis licitis, & honestis, eisdem Prioratui, & Ecclesiae utilibus eadem auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robor adijcimus, ac omnes, & singulos tam juris, quam facti defectus, si qui desuper quomodolibet intervenerint supplemus, & sanamus.

§. 2. Decernentes praesentes Literas validas, firmas, & efficaces existere & fore, suosque plenarios, & integros effectus sortiri, & obtinere, ipsisque Succurso, & Antonio, & aliis in praedicta concessione comprehensis in omnibus, & per omnia plenissime suffragari. Sicque per quoscumque Iudices Ordinarios, & Delegatos etiam causarum Palatii Apostolici Auditores, ac S. R. E. Cardinales etiam de Latere Legatos, sublata eis, & eorum cuilibet quavis aliter iudicandi, & interpretandi facultate iudicari, & definiri debere, ac irritum, & inane, si quid secus super his a quoquam quavis auctoritate scienter, vel ignoranter contigerit attentari. Non obstantibus fel. rec. Pauli II. & aliorum Romanorum Pontificum Praedecessorum Nostrorum de rebus Ecclesiae non alienandis, aliisque Constitutionibus, & ordinationibus Apostolicis, caeterisque contrariis quibuscumque. Volumus autem quod finita, vel deficiente tertia generatione huiusmodi omnia, & singula bona praedicta cum omnibus, & singulis & iuribus, & pertinentiis suis universis, necnon melioramentis desuper pro tempore quomodolibet factis ad eosdem Prioratum, & Ecclesiam S. Solliciti pleno iure, & omnino libere revertantur, illique cedant, absque eo, quod revocatio concessionis huiusmodi a quoquam quovis praetextu, vel causa peti, vel praetendi possit.

Dat. P. A. 2.
die 5. Aug.

Datum Romae apud S. Mariam Majorem sub Annulo Piscatoris, die 5. Augusti 1656. Pontificatus Nostri Anno Secundo.

Revocatio exemptionum a vestigialibus, & aliis publicis oneribus.

Constitutiones in hac Bulla allegatas invenies in Rubr. Const. 7. Innocentii X. Et si ea.

ALEXANDER PAPA VII.

Ad perpetuam rei memoriam.

IN sublimi Sedis Apostolicae fastigio aequi, bonique supremi Assertores in terris a Domino constituti Officii nostri debitum reputamus, ut illa, quae publica utilitati obesse, ac in nostrorum, & Romanae Ecclesiae in temporalibus subditorum praefertim minus opulentorum grave dispendium celere compertum est opportuna provisionis ministerio, ad iustitiae, & aequitatis fines, quantum Nobis ex alto conceditur, revocare studeamus.

§. 1. Cum itaque, sicut accepimus, diversarum immunitatum, & exemptionum a dohanarum, gabellarum, impositionum, & vestigialium Camerae nostrae Apostolicae debitorum solutione, aliorumque publicorum onerum incorporatione per nonnullos Romanos Pontifices Praedecessores nostros, ac Sedem praedictam, & forsitan ejus de Latere Legatos, & alios eorundem Sedis, & Camerae Officiales, & Ministros, seu alias quomodolibet concessarum occasione dicta Camera in gravissimis, quibus ad praesens premitur, rerum, & pecuniarum angustis maximam redituum, & proventuum suorum diminutionem patiatur, & plurimi subditi nostri, ac praecipue pauperiores, in quos ejus quod caeteris, iisque ut plurimum locupletioribus per immunitates, & exemptiones huiusmodi remittitur, onus derivari necesse est, ingenti damno propterea afficiantur.

§. 2. Hinc est quod Nos Camera, & Subditos nostros praedictos, quantum cum Domino possumus, sublevare, eorumque indemnitati consulere, ac unicuique iustitiam aequo libramine tribui volentes, ac fel. rec. Sixti V. Pauli etiam V. Urbani VIII. ac Innocentii X. & aliorum Romanorum Pontificum Praedecessorum Nostrorum, qui constitutiones similibus exemptionum, & immunitatum revocatorias ediderunt, vestigiis inhaerentes, necnon quarumcumque concessionum, immunitatum, & exemptionum huiusmodi, Litterarumque Apostolicarum sub plumbo, ac in simili forma Brevis, cedularum motus proprii, & chirographorum cujusvis Romani Pontificis Praedecessoris Nostri manu subscriptorum, ac aliarum Litterarum, & scripturarum desuper quomodolibet emanatarum tenores etiam veriores, & datas, ac occasiones, & alia etiam speciali expressione digna praesentibus pro plenè & sufficienter expressis, & verbatim insertis respectivè habentes, Motu proprio, non ad cuiusquam Nobis super hoc oblatae petitionis instantiam, sed ex certa scientia, & matura deliberatione Nostri, deque Apostolicae potestatis plenitudine hac nostra perpetuo valitura constitutione omnes & quascumque exemptiones, & immunitates a solutione subsidii triennalis, nec non quarti illi adjuncti, quatrini carnis, taxarum eorum, talliarum, censuum, archivii, Fogliettae, tiremii, utensilium, Dohanarum, gabellarum, taxa Portus Anconae, quatrinatorum, tractarum, pedagiorum, collectarum, exactionum, & quorumlibet onerum, & munerum personalium, realium, & mixtorum ordinariorum, & extraordinariorum, solitorum, & insolitorum Cameralium quorumcumque, ac etiam eorum, quae per Communitates, & Universitates directè, vel indirectè pro eorundem onerum

XXV.

Edita An. D. 1656.

Exordium.

Constitutionis causa.

Omnes & quascumque exceptiones concessas irritat.

rum

Decretum irritans.

rum Cameralium solutione, & publicorum munerum supportatione, ac pro viis, & Pontibus construendis, muniendis, & manutenendis, seu aliis indicata, & imposta, ac exigi solita sunt, necnon ab obligatione recipiendi, & hospitandi Milites, & Sedis prædictæ Officiales, Barigellos, Executores, aliosque iustitiæ Ministros, eisque utensilia, & alia necessaria subministrandi per Romanos Pontifices Prædecessores Nostros, ac eandem Sedem Apostolicam, & quosvis Sedis, & Cameræ prædictarum Officiales, & Ministros quacumque auctoritate, & potestate fungentes, etiam Sanctæ Romanæ Ecclesiæ Cardinales, etiam de Latere Legatos, & Camerarios, cæterosque etiam specialiter nota, & expressione dignos, ac speciale ad id facultatem habentes quibusvis Communitatibus, Universitatibus, Civitatibus, Terris, Oppidis, & locis ditionis temporalis S. R. E. prædictæ, ac etiam quibuscumque feudatariis, censuariis, dominis locorum, familiis, nobilibus, Baronibus, Comitibus, Marchionibus, Ducibus, Principibus, & aliis cuiusvis gradus, & conditionis, & quavis dignitate, & auctoritate etiam Cardinalatus honore fulgentibus, qui Castra, & iurisdictiones intra limites dictæ ditionis temporalis S. R. E. possident, etiam qui nihil ratione Castrorum, & Iurisdictionum huiusmodi Sedi prædictæ annuatim, seu aliis persolvunt, & tam incolis, quam extraneis, & forensibus bona stabilia, seu mobilia, vel se moventia habentibus, & tenentibus, seu possidentibus, omniumque supra dictorum colonis, & laboratoribus etiam in recompensam laborum, damnorum passorum, expensarum, vel meritorum, seu illorum intuitu, & contemplatione, ac ex alia quacumque quantumvis urgentissima, & de necessitate specialiter exprimenda causa sub quibuscumque verborum formis, & expressionibus, etiam in appaltum, & locationum Cameralium instrumentis promissum, & cautum sit eas observari debere, ac cum quibusvis clausulis, & decretis etiam motu, scientia, deliberatione, & potestatis plenitudine patribus etiam consistorialiter, & aliis quomodocumque & qualitercumque in genere, vel in specie, ad vitam, vel ad tempus, sive perpetuum concessas, & datas, ac pluries, & iteratis vicibus confirmatas, approbatas, revalidatas, & innovatas, & inde etiam Iudicis auctoritate secuta quacumque, necnon quasvis Litteras etiam Apostolicas sub plumbo, vel in simili forma Brevis, Motus proprii cedulas, chirographa, & scripturas huiusmodi ex nunc perpetuo revocamus, cassamus, tollimus, abrogamus, irritamus, abolemus, & annullamus, viribusque, & effectu penitus evacuamus, ac revocata, cassata, sublata, abrogata, irritata, abolita, & annullata, viribusque & effectu penitus vacua esse, nec ulli in petitorio, aut possessorio etiam summarissimo contra præsentium Litterarum tenorem, & dispositionem suffragari posse, sed prædictos omnes, & singulos exemptos ad omnium onerum prædictorum solutionem, & supportationem pro rata eos tangente in posterum realiter, & cum effectu teneri in omnibus, & per omnia perinde ac si dictæ exemptiones, & immunitates, eis concessæ non fuissent, nec Litteræ, ac cedulæ motus proprii, chirographa, & scripturæ huiusmodi emanassent, motu, scientia, deliberatione, & potestatis plenitudine prædictis decernimus, statuimus, & declaramus.

§. 3. Præterea omnia, & quacumque privilegia, & indulta personis Ecclesiasticis tam secularibus, quam cuiusvis Ordinis, & Congregationis, & instituti, ac Societatis etiam Jesu regularibus super similibus immunitatibus, & exemptionibus per quoscumque Romanos Pontifices Prædecessores nostros concessa ad limites Juris communis motu, scientia, deliberatione, potestatis plenitudine, & tenore prædictis reducimus. Illa verò, quæ nonnullis Collegiis in alma Urbe Nostra exi-

ten, per dilectos filios Clericos regulares dictæ Societatis Jesu, siue alios quoscumque administrari consuetis similiter à Romanis Pontificibus Prædecessoribus nostris concessa fuerunt, quoad victum & vestitum dumtaxat, non autem, ut vulgò dicitur, à Fondaco, & Magazzino, prout hæcenus observatum fuit suffragari volumus, & decernimus.

§. 4. Ac demùm similia privilegia, & indulta Nepotibus, & aliis consanguineis, vel affinibus quoruncumque Romanorum Pontificum Prædecessorum nostrorum pro tempore viventium ab illis respectivè concessa itidem revocamus, ac revocata esse, & ceteri debere volumus. Declarantes illa nemini eorumdem nepotum, siue consanguineorum, vel affinium à die nostræ ad Summi Apostolatus apicem assumptionis suffragari debere, seu debuisse.

§. 5. Per præmissa autem non intendimus revocare exemptiones, & immunitates quibuscumque personis Ecclesiasticis tam secularibus, quam regularibus de jure competentes, neque Thesaurariis, Appaltatoribus, & Conductoribus bonorum, introituum, & jurium dictæ Cameræ Nostræ ab ipsa Camera, seu aliis illius nomine in appaltum & locationum instrumentis, & illorum ratione concessas.

Ac insuper à revocationibus, & aliis supra dictis excipimus, ac exceptas esse volumus, & declaramus immunitates, & exemptiones quibusvis Communitatibus, Universitatibus, & personis datas, & concessas in vim contractus ex causa verè onerosa, videlicet congruæ, & effectualis pecuniarum solutionis eidem Cameræ Apostolicæ, vel ipsis Communitatibus legitimè factæ, vel ex aliis rationabilibus causis per Nos cognoscendis, & approbandis, ac etiam declarandis, quas omnes causas onerosas nonnisi legitimas, ac licitas, & honestas, prout de jure approbare intendimus, & propterea quicumque illas obtinent, eas in dicta Camera citato dilecto filio ipsius Cameræ Commissario Generali verificare, & in ipsa Camera examinari, & admitti facere teneantur, etiam concessiones earundem immunitatum, & exemptionum, ac literæ, cedulæ motus proprii, chirographa, & aliæ scripturæ, desuper emanatæ, & emanatæ aliis in Camera prædicta, admittæ, & admittæ, ac in illa, ejusque libris registratæ, & registratæ fuerint, & sint: quatenus tamen causæ onerosæ huiusmodi pro verè onerosis, & legitimis ut supra aliis in eadem Camera verificatæ, & approbatæ, ac indicatæ non sint, quo casu ad indicationem tantum, non autem ad aliam verificationem eisdem obtinentes teneri volumus; interim verò, & donec non fuerint verificatæ, minime suffragari, & præsentis revocationis effectum retardare non posse declaramus.

Præterea nostræ intentionis non est sub revocationibus, & aliis supra dictis comprehendere immunitates, & exemptiones ejusdem Sanctæ Romanæ Ecclesiæ Cardinalibus ratione dignitatis Cardinalatus, necnon Cameræ prædictæ Clericis Præidentibus, aliisque Cameralibus, qui in eadem Camera federunt, & sedent, concedi, seu admitti solitas, nec illas quibus Prælati, & Officiales Romanæ Curie, ac Prælati domestici, Cubicularii secreti, ac Secretarii, & alii familiares, & continui commensales nostri, & Romani Pontificis pro tempore viventis in rotulo descripti gaudeant, & gaudere consueverunt, neque illas ob numerum duodecim filiorum à Prædecessoribus Nostris, & aliis supra expressis concessas, quas tamen ad terminos constitutionis recol. mem. Pii Papæ IV. Prædecessoris pariter Nostri, & aliarum Constitutionum Apostolicarum super similibus exemptionum declaratione editarum, & ad illas tantum, & pro eo tempore, & personis, ac eo modo, & forma, quibus de Jure communi illis competunt, ac alias juxta ipsius

Indulta consanguineorū Pontificum revocat.

Exemptiones de Jure excipit.

Privilegia Ecclesiasticorum ad Juris formam reducit.

Hujus const.
obſervantiã
præcipit.

Lites ſuper
exemptione
pendentes
extinguit.

Claufula ſub-
lata.

Juris communis, ac ſupra dictarum, & aliarum Conſtitutionum Apoſtolicarum diſpoſitionibus reducimus, neque aliter, quàm ut præfertur, ſive in poſſeſſorio, ſive in petitorio ſuffragari volumus & decernimus.

§. 6. Cæterum Appaltatoribus, Theſaurariis, Depoſitariis, Commiſſariis, Exactoribus, & cæteris Agentibus, & Miniſtris dictæ Cameræ eandem ſerie præſentium diſtrictius inhihemus, ne contra ipſarum præſentium diſpoſitionem immunitates, & exemptiones niſi ut ſuprà exceptas, ac eas, quas ex cauſa oneroſa conceſſas in Camera prædicta, ut præmittitur, admitti contigerit, ullatenùs admittant, & ſi ſecùs fecerint, id nemini eorum in ſuis computis, ſeu rationibus per eandem Cameram admitti volumus, ſed eorum damno ceſſurum eſſe declaramus.

§. 7. Poſtremò lites quaſlibet occasione privilegiorum, ac indultorum, necnon immunitatum, & exemptionum hujusmodi quomodolibet ſuſcitatas, & in quibuſvis Tribunalibus pendentes, illarum omnium, & ſingularum ſtatum, & merita, nominaque, & cognomina Judicum, & colligantium quorumvis etiam ſpeciali mentione dignorum, & alia etiam de neceſſitate ſpecialiter exprimenda præſentibus pro plenè, & ſufficienter expreſſis habentes, à quibuſcumque Tribunalibus hujusmodi ad Nos eandem ſerie præſentium avocamus, illaque penitùs, & omninò perpetuò ſupprimimus, & extinguiſimus, ac partibus perpetuum deſuper ſilentium imponimus.

§. 8. Decernentes præſentes Literas, ac omnia, & ſingula in illis contenta, etiam ex eo quod quicumque in præmiſſis, ſive eorum aliquo intereſſe habentes, ſeu habere quomodolibet prætendentes illis non conſenſerint, aut ad ea vocati, & auditi, ſeu cauſæ, propter quas ipſæ præſentes emanarunt adductæ, verificate, ſeu aliàs ſufficienter, aut etiam ullatenùs juſtificate non fuerint, aut ex alia quavis quantumlibet legitima, pia, juridica, & privilegiata cauſa, colore, prætextu, occasione, & capite etiam in corpore Juris clauſo, etiam enormis, enormiſſimæ, & totalis læſionis nullo unquam tempore de ſubreptionis, vel obreptionis, nullitatis, aut invaliditatis vitio, ſeu intentionis Noſtræ, vel quorumvis intereſſe habentium conſenſus, aut alio quovis quantumvis magno, & ſubſtantiali, ac inexcogitato defectu notari, impugnari, invalidari, reſtringi, retractari, in juſ, vel controverſiam revocari, ſuſpendi, limitari, aut ad terminos juris reduci, ſeu adverſus illas aperitionis oris, reſtitutionis in integrum, aut aliud quodcumque juris, facti, vel gratiæ remedium impetrari, aut impetrato, ſeu etiam motu ſimili conſeſſo quempiam in judicio, vel extra illud uti, ſeu ſe juvare poſſe, neque eandem præſentes ſub quibuſvis ſimilium, vel diſſimilium conſtitutionum, ac revocationum, & ordinationum revocationibus, ſuſpenſionibus, limitationibus, & aliis contrariis diſpoſitionibus pro tempore quomodolibet factis comprehendendi, aut comprehenſas, cenſeri, ſed ſemper ab illis exceptas, perpetuòque validas, firmas, & efficaces exiſtere, & fore, ſuoſque plenarios, & integros effectus ſortiri, & obtinere, ac ab omnibus, ad quos ſpectat, & quandocumque ſpectabit inviolabiliter obſervari.

§. 9. Sicque in præmiſſis per quoscumque Judices, & Commiſſarios etiam cauſarum Palatii Apoſtolicæ Auditores, ac ejuſdem S. R. E. Cardinales etiam de Latere Legatos, & quovis Sedis, & Cameræ prædictarum Officiales, & Miniſtros, & alios quoscumque quavis auctoritate, & poteſtate fungentes, nunc & pro tempore exiſtentes, ſublata eis, & eorum cuiſlibet quavis aliter judicandi, & interpretandi facultate, & auctoritate, judicari, & definiiri debere, ac irritum, & inane

ſi ſecùs ſuper his à quoquam quavis auctoritate ſcienter, vel ignoranter contigerit attentari.

§. 10. Quocirca dilectis filiis Noſtris, ac S. R. E. prædictæ Camerario, ſeu Procamerario, necnon Vicecamerario, Theſaurario, ac Clericis Præſidentibus, Commiſſario, & aliis Cameræ prædictæ Officialibus, ad quos ſpectat, præcipimus, & mandamus, ut præſentem Noſtram Conſtitutionem, & in ea contenta quæcumque firmiter, & inviolabiliter obſervent, & faciant ab aliis obſervari.

§. 11. Non obſtantibus ſupra dictarum litium pendentiã, aliſque omnibus, & ſingulis præmiſſis, necnon Noſtra, & Cancellariæ Apoſtolicæ regula de non tollendo jure quæſito, ac quatenùs opus ſit, prædicti Pii Prædeceſſoris de gratis quæcumque intereſſe dictæ Cameræ concernentibus in eadem Camera præſentandis, & regiſtrandis, ita ut præſentes in ea præſentari, aut regiſtrari nunquam neceſſe ſit, aliſque Apoſtolicis, ac in univerſalibus, provincialibusque Conciliis editis generalibus, vel ſpecialibus Conſtitutionibus, & Ordinationibus, necnon quibuſvis etiam juramento, confirmatione Apoſtolica, vel alias quavis firmitate roboratis ſtatutis, & conſuetudinibus, etiam immemorabilibus, privilegiis quoque, indultis, conceſſionibus, immunitatibus, exemptionibus, chirographis, cedulis motuum propriorum, & aliis ſcripturis, & Litteris etiam Apoſtolicis prædictis, & quibuſvis aliis etiam, ut præfertur, qualificatis, ac ſpeciali Nota, & mentione dignis, etiamſi nominatim eſſent exprimendi, ſub quibuſcumque verborum tenoribus, & formis, ac cum quibuſvis etiam derogatoriis derogatoriis, aliſque efficacioribus, & inſolitibus clauſulis, ac irritantibus, & aliis Decretis etiam inexcogitabilibus, & neceſſariò exprimentibus, etiam contraſ jurati cum Camera Noſtra Apoſtolica inſiti, & Camerali obligatione vallati, & quovis alio robore, & cautela firmitatis, editis, ſeu factis, ac aliàs quomodolibet in contrarium præmiſſorum conceſſis, confirmatis, & pluries innovatis. Quibus omnibus, & ſingulis, etiamſi in eis caveatur expreſſe, quod nullo unquam tempore ſub ſimilium, vel diſſimilium exemptionum & immunitatum revocationibus, abrogationibus, annulationibus, aut aliis quibuſlibet contrariis diſpoſitionibus, & conſtitutionibus pro tempore edendis comprehendantur, ſed ſemper ab illis excepta, & quoties illæ emanabunt, toties in præſentem, eumque validiſſimum ſtatum reſtituta, reſpoſita, & reintegrata, ac etiam ſub poſteriori data per quæcumque perſonas eligenda de novo conceſſa ſint, & eſſe cenſeantur: necnon pro ſufficienti eorum derogatione de illis, eorumque totis tenoribus ſpecialis, ſpecifica, individua, & de verbo ad verbum expreſſa, non autem per clauſulas generales idem importantes mentio, ſeu quævis alia expreſſio habenda, aut alia exquisita forma ad hoc ſervanda foret, illorum omnium, & ſingulorum tenores, formas, & occaſiones præſentibus pro plenè, & ſufficienter expreſſis, inſertis, ac ſervatis reſpectivè habentes, illis aliàs in ſuo robore permanſuris, ad præmiſſorum effectum ſpecialiter, & expreſſe derogamus, ac derogatum eſſe volumus, cæteriſque contrariis quibuſcumque.

§. 12. Ut autem eandem præſentes Literas ad omnium notitiam faciliùs deveniant, volumus, & auctoritate Apoſtolica decernimus illas ad valvas Baſilicæ Principis Apoſtolorum, & Cancellariæ Apoſtolicæ, ac in acie Campi Floræ de Urbe per aliquem ex Curforibus Noſtris, publicari, ac illarum exempla ibidem affixa relinqui, quæ ſic publicatæ omnes, & ſingulos, quos concernunt perinde afficiant, & arctent, ac ſi illorum unicuique perſonaliter notificatæ, & intimatæ fuiſſent, utque eandem præſentium tranſumptis, etiam impreſſis, manu Notarii publici ſubſcriptis, & ſigillo alicujus

Executores
deſignat.

Contrariis
derogat.

Publicari,
& tranſumptis
credi
mandat.

perſonæ

personæ in Ecclesiastica dignitate constitutæ munitis, eadem fides in iudicio, & extra illud adhibeatur, quæ ipsis præsentibus adhiberetur, si forent exhibitæ, vel ostensæ.

Dat. P. A. 2. die 22. Aug. Datum Romæ apud Sanctam Mariam Majorem sub Anno Piscatoris, die 22. Augusti 1656. Pontificatus Nostri Anno Secundo.

Publicatio. Anno à Nativitate Domini Nostri Jesu Christi, 1656. Indictione nona, Pontificatus autem Sanctissimi in Christo Patris, & D. N. D. Alexandri Divinâ Providentiâ Papæ VII. Anno secundo, Die verò 27. Mensis Augusti, præsens Constitutio affixa, & publicata fuit ad valvas Basilicæ Principis Apostolorum, ac Cancellariæ Apostolicæ ac in Acie Campi Floræ, per me Petrum Paulum de Grassis Apost. Curs.

Pro D. Mag. Curs. Andreas Castrucius.

XXVI. De transferendis pensionibus Ecclesiasticis, & condendis testamentis, aliisque ultimis dispositionibus in Urbe, ac ejus districtu tempore suspicionis pestis.

ALEXANDER PAPA VII.

Ad futuram rei memoriam.

IN supremo iustitiæ throno per ineffabilem divinæ bonitatis abundantiam constituti rationi consentaneum reputamus, ut Juris Communis, Statutorumque rigorem moderemur, & particularium indultorum solemnitates relaxemus, prout rerum, & temporum conditioe perpensa in Domino censemus expedire.

Constitutionis causa.

§. 1. Cum itaque in præsentibus suspicionibus, nonnullis in hac Alma Urbe Nostra, ejusque districtu degentibus personis formam in indultis transferendi pensiones annuas, quas super fructibus, redditibus, & proventibus Ecclesiasticis etiam distributionibus quotidianis reservatas obtinent, eis à Sede Apostolica, seu aliâs Canonice concessis pro translatione hujusmodi præscriptam, necnon ordinatam de Jure civili, ac per Statuta ejusdem Urbis, aliorumque locorum ejusdem districtus, eorumque reformationes, novas additione pro testamentis condendis solemniter servare difficile sit, seu in posterum forsan difficile sit futurum.

Formam in transferendis pensionibus præscribit.

§. 2. Nos illorum commodis pro paterno Nostro in eos affectu consulere cupientes, ac omnium, & singulorum indultorum, necnon Statutorum, & reformationum, novarumque additionum hujusmodi tenores etiam veriores, & datas, ac alia etiam speciali expressione digna præsentibus pro plenè, & sufficienter expressis, & verbatim insertis habentes, Motu proprio, non ad cujusquam N. bis super hoc oblata petitionis instantiam, sed ex certa scientia, & matura deliberatione Nostri deque Apostolicæ potestatis plenitudine, ut quicumque in Urbe, ejusque districtu prædictis degentes indulta transferendi pensiones supra dictas, ut præmittitur, obtinentes easdem pensiones coram Sacerdote etiam regulari, ac etiam familiari loco Notarii publici, & duobus testibus, etiam in favorem ipsius Sacerdotis, dummodò eo casu tertius testis adhibeatur, vel scriptura translationis à transferente subscribatur; servata in cæteris eorumdem indultorum eis respectivè concessorum forma, & dispositione transferre liberè, licitè, & validè possint, & valeant, ea lege tamen ut duplicatum scripturæ translationis hujusmodi intra octo dies ab indè proximis ad Archivium Urbanum deferatur, alioquin translatio nulla sit eo ipso, tenore præsentium concedimus, & indulgemus.

In testamentis.

§. 3. Præterea ut in testamentis, & quibuscum-

que aliis ultimis voluntatibus, & dispositionibus, quæ deinceps in eisdem Urbe, ejusque districtu etiam à cæcis fient, formam Constitutionis fel. rec. Alexandri Papæ III. Prædecessoris Nostri, quæ incipit *Cum esses*, servari sufficiat, ita quod loco Parochi, seu proprii Presbyteri adhiberi testamentis, aliarumque dispositionum ultimarum factio possit ipsius testantis, seu disponentis Confessarius etiam regularis, etiam quem testans, seu disponentis nunquam nisi in infirmitate, qua tunc laboret, confessionis causa accersiverit, vel adierit; aut loco Parochi, seu Presbyteri, vel Confessarii duo alii testes: Utque ipsa testamenta, aliæque ultimæ voluntates, & dispositiones prædictæ cum omnibus, & singulis in illis quomodolibet contentis sic in posterum facta, firma, valida, & efficacia existant, suosque plenarios, & integros effectus perpetuò habere debeant in omnibus, & per omnia perindè ac si in illis requisita, seu præscripta à Jure civili, & memoratis statutis eorumque reformationibus, & novis additionibus forma, & solemnitas plenè, & integre, nihil penitus omisso, servata fuisset, motu, scientia, deliberatione, postestatis plenitudine, & tenore prædictis statuimus, decernimus, & ordinamus.

§. 4. Cæterum præsentibus Literas quoad translationes pensionum, & testamenta, aliasque ultimas voluntates, & dispositiones, quæ donec Urbis prædictæ Tribunalia, quæ nunc jussu Nostro clausa reperiuntur, simili jussu plenè, & in totum aperta fuerint, ac per decem dies immediatè sequentes respectivè fient dumtaxat effectum obtinere volumus, ac statuimus itidem, & declaramus.

Apertis Tribunalibus post decem dies forma assignata expirat.

§. 5. Decernentes pariter easdem præsentibus, & in eis contenta quæcumque etiam ex eo quod quicumque etiam speciali nota, & expressione digni etiam Episcopali, Archiepiscopali, Cardinalitia, aut alia qualibet Ecclesiastica, vel mundana dignitate præditi, & fulgentes in præmissis interesse habentes, seu habere quomodolibet prætendentes illis non consenserint, aut ad ea vocati, & auditi, seu causa propter quas ipsa præsentibus emanarunt, adductæ verificatæ, aut justificatæ nullatenus fuerint, aut ex alia quacumque quantumvis juridica, pia, legitima, & privilegiata causa, prætextu, colore, & capite etiam in corpore Juris clauso etiam enormis, enormissimæ, & totalis læsionis nullo unquam tempore de subreptionis, vel obreptionis vitio, aut intentionis Nostre, vel interesse habentium consensus, seu alio quolibet quantumvis magno, substantiali, & inexcogitabili defectu notari, impugnari, invalidari, restringi, retractari, ad viam, seu terminos Juris reduci, aut adversus illas restitutionis in integrum, aperiitionis oris, aut aliud quodcumque juris, facti, vel gratiæ remedium impetrari, aut impetrato, vel etiam motu, scientia, deliberatione & potestatis plenitudine paribus concessio quempiam in iudicio, vel extra illud uti, seu se juvare posse, sed ipsas præsentibus firmas, validas, & efficaces existere, & fore, ac illis, ad quos spectat, & pro tempore spectabit, plenissimè suffragari.

Clausulæ præservati-væ.

§. 6. Sicque & non aliter in præmissis per quoscumque Judices ordinarios, & delegatos, etiam Causarum Palatii Apostolici Auditores, & S. R. E. Cardinales etiam de latere Legatos, necnon quoscumque dictæ Urbis, ejusque districtus ac Camere Nostre Apostolicæ Judices, & Officiales, ac Ministros, & alios quoslibet quavis auctoritate, & potestate fungentes, & functuros, sublata eis, & eorum cuilibet quavis aliter judicandi, & interpretandi facultate, & auctoritate judicari, & de finiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Clausula sublata.

§. 7. Non obstantibus præmissis, ac quatenus opus sit, de non tollendo jure quaesito, & quod Cardinales non comprehendantur in Constitutionibus

Contrariis derogat.

